

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- प्रधानमंत्री नरेंद्र मोदी होरें आखेआ ऐ जे अज्ज भारती सेना पाकिस्तान दी कुसै बी हिमाकत दा ओहदे अंदर बड़ियै पूरी तगड़ेयाई कन्नै बनकदा परता दिंदी ऐ।
- कल शुरू होआ'रदे जम्मू-कश्मीर दे पैहले-पैहले अंतरराष्ट्री फिल्मोत्सव दी मेजबानी लेई केंद्र शासित प्रदेश पूरी चाल्ली तैयार, सामने तैयारिएं गी मुकदा रूप दितता गेआ।
- उपमुख्यमंत्री सुरिंद्र चौधरी होरें लोकें दिएं दिक्कतें-शकैतें गी सुनेया, लोकें दे मसलें गीपैहल दी बिनाह पर नबेड़ने दा सरकार दा धेड़या फ्ही पक्का कीता।
- हाई कोर्ट दी किशोर न्यायs कमेटी ते यूनिसेफ नै जुबेनाइल जस्टिस कनून लागू होने दे 10एं ब'रे पूरे होने दे उपलक्ष्य पर सलाह-सूत्र कीता।
- ते महिला टी-20 एशिया कप च भारत नै पाकिस्तान गी 7 विकटें कन्नै हराया।

<><><><><><>

PM-Army

प्रधानमंत्री नरेंद्र मोदी होरें कल आखेआ कि इक समें च जेहड़े लोक आतंकवाद फैलांदे हे, उनेंगी हुन खामोश करी दिता गेदा ऐ कीजे हून पाकिस्तान जिसलै बी कोई गलत हरकत करदा ऐ, भारती फौज ओहदी हर हिमाकत दा पूरी तगड़ेयाई कन्नै बनकदा परता दिंदी ऐ, उब्बी ओहदे घरै अंदर बड़ियै।

दिल्ली युनिवर्सिटी दे श्रीराम कालेज आफ कामर्स दे शताब्दी समारोह गी संबोधित करदे होई प्रधानमंत्री होरें आखेआ कि हून जम्मू-कश्मीर कोला लेइयै पूर्वोत्तर तगर रमानदारी ते खुशहाली ऐ जिसलै कि नक्सलवाद दा भलेयां खात्मा करी दिता गेदा ऐ। उनें आखेआ कि सुरक्षा चुनौतिऐ कन्नै निब्बड़ने च देसै नै अपनी ताकत ते पक्के धेइये दा मजायरा कीता ऐ। इस मौके मोदी होरें आखेआ

<><><><><><>

IFFJK-Prep.

श्रीनगर, जम्मू ते गुलमर्ग च 7 सितंबर कोला लेइयै 10 सितंबर धोड़ी आयोजित कीते जा'रदे जम्मू-कश्मीर दे पैहले-पैहले अंतरराष्ट्री फिल्म उत्सव-2026 लेई लोड़चदी सब्बै तैयारियां करी लैतियां गेदियां न तां जे इस आयोजन गी पूरी चाल्ली बवस्था आह्ले ढंगै सिर तोढ़ चाढ़ेआ जाई सकै। जम्मू च एह महोत्सव 8 ते 9 सितम्बर गी आयोजित कीता जाहग। 4 दिनें दे इस फिल्मोत्सव च 41 बक्ख-बक्ख मुल्खें दियां फिल्मां दस्सियां जाडन। फिल्मोत्सव गी दिलचस्प ते यादगार बनाने लेई केई गतिविधिऐं गी बी एहदे च शामिल कीता गेदा ऐ जिंदे च रातीं'लै फिल्म स्क्रीनिंग दी बवस्था, फ्लोटिंग सिनेमा ते बड़ी धाम जनेए आयोजन बी शामिल न। आयोजन दी कामयाबी लेई सुरक्षा, ट्रैफिक प्रबंधन, बिजली-पानी, आयोजकें बशकार तालमेल ते लोड़चदी हर बरीकी पर ध्यान दिता जा'रदा ऐ। बाहरा औने आह्ले परोहनें लेई मैहकमे जम्मू-कश्मीर दे सैलसफा, दस्तकारिएं ते सांस्कृतिक विरासत गी बढ़ावा देने लेई बक्ख-बक्ख तरीकाकार पर कम्म करा'रदे न।

<><><><><><>

Dy CM-Delegations

जम्मू-कश्मीर सरकारै आम जनता दिएं चिंताएं गी दूर करने ते नौजवानें लेई हुनर विकास दे मौकें च विस्तार करने बक्खी चेचा ध्यान देने दे अपने धेड़ए गी फही पक्का कीता ऐ। उपमुख्यमंत्री सुरिंद्र चौधरी होरें कल जम्मू दे गांधी नगर च जम्मू-कश्मीर नेशनल कांफ्रेंस दे सदर दफ्तर च लोकें ते केई शिष्टमंडलें कन्नै गल्लबात कीती ते उंदिएं दिक्कतें-परेशानिएं ते मंगें गी धरोड़यै सुनेआ। उ'नें सूरज नगर जम्मू स्थित सरकारी आई.टी.आई च जारी करने दा मुआयना कीता ते संस्थान दे अध्यापकें ते विद्यार्थिएं कन्नै गल्लबात बी कीती। उपमुख्यमंत्री होरें नौजवानें च हुनर विकास, क्षमता निर्माण ते उ'दे भविक्ख लेई बेहतर मौके पैदा करने च अध्यापकें दी भूमिका दी सराहना कीती।

<><><><><><><><>

CM-Advisor Delegations

मुख्यमंत्री हुं'दे सलाहकार नासिर असलम वानी होरें कल श्रीनगर च मुख्यमंत्री हुं'दे लोक सेवा ते जनसंपर्क दफ्तर 'राबिता' च केई समूहें ते नागरिकें कन्नै मलाटी कीती। मलाटी करने गी आए दे समूहें जिंदे च मुकामी लोक, कर्मचारी संगठन ते किश होर बसनीक बी शामिल हे, उनें विकास, मीडिया, जिमीं ते राजस्व सरबंधी रिकार्ड, रोजगार ते सेवा सरबंधी मुद्दें गी पुट्टेआ। सलाहकार होरें इनें मुद्दें पर सरबंधत अधिकारिएं कन्नै चर्चा कीती ते इनेंगी तौले नबेड़ने लेई आखेआ।

उनें आखेआ जे सरकार हर इक जायज सार्वजनिक शकैत गी नबेड़ने आस्तै बचनबद्ध ऐ ते उनें लोकेँ गी यकीन दोआया जे उं'दी समस्याएं दा तौले शा तौले नबेड़ा कीता जाहग।

<><><><><><><>

Poonch Niti Tara

पुंछ च कल “नीति तारा” मंच पर इक रोजा छमता-निर्माण कार्यक्रम दा सरिस्ता कीता गेआ जेहदा मकसद विकास दी ताहंग आह्ले मनकोट ब्लाक च डेटा आधारित शासन ते सबूतें ते जरूरतें साबबैं योजनाएं गी लागू करना ऐ। कार्यक्रम दी अध्यक्षता डिप्टी कमिशनर अशोक कुमार शर्मा होरें कीती जिनेँ सटीक डेटा प्रबंधन ते असरदार निगरानी दी जरूरतें पर जोर दिता। इस दरान मास्टर ट्रेनर राज कुमार होरें अधिकारिणं ते कर्मचारिणं गी डेटा दज्र करने, ओहदी तस्दीक, जांच ते विश्लेषण दे अलावा इस्तेमाल करने बारै बी वाकफ कराया। मेद कीती जा'रदी ऐ कि इस सिखलाई कार्यक्रम दी मदद कन्नै बक्ख-बक्ख खेतरेँ च प्रमुख संकेतकेँ दा पता लाने, जित्थे सुधार दी लोड़ ऐ उत्थे मता ध्यान देने ते पूरे-पराते विकास गी जकीनी बनाने च मदद थहोग। इस मौके पर बोलदे होई मास्टर ट्रेनर राज कुमार होरें आखेआ

<><><><><><><>

JJ Act -Consultation

जम्मू-कश्मीर ते लद्दाख होई कोर्ट दी किशोर न्यास कमेटी नै यूनिसेफ इंडिया दे सहयोग कन्नै श्रीनगर च जम्मू-कश्मीर न्यायिक अकैडमी च 'किशोर न्यास (बच्चेँ दी दिक्खभाल ते संरक्षण)

अधिनियम-2015 अमलावरी दा इक दाहका ते अग्गे दा रस्ता' विशे पर इक रोजा सलाना बैठक दा आयोजन कीता। बैठक च किशोर न्यास कनून गी लागू करने दे 10एं ब'रें दे बारे च गौर कीता गेआ ते किशोर न्यास ते बाल संरक्षण प्रणाली गी मजबूत बनाने बारे चर्चा कीती गई। किशोर न्यास कमेटी दियां अध्यक्ष जस्टिस सिंधु शर्मा होरें अपने अध्यक्ष जस्टिस सिंधु शर्मा होरें अपने संबोधन च आखेआ जे कनून गी तोड़ने आह्ला बच्चा अजें बी सारें शा पैहले इक बच्चा गै ऐ ते किशोर न्यास प्रणाली म्हेशां निरपक्खता पर आधारित होनी लोड़चदी।

<><><><><><><>

Heavy Rains

जम्मू च अज्ज बड़डलै भारी बरखा पौने करी तापमान च कमी आई ते गुम्मे आह्ले मौसम थमां किश राहत थहोई ऐ, हालांकि एहदे कन्नै उआं केई इलाकें च आम जन-जीवन अस्त-व्यस्त होई गेआ। तोआई, कश्मीर दे उप्परले इलाकें जिआं गुलमर्ग ते सोनमर्ग च जंदे रोज इस मौसम दी पैहली-पैहली बर्फबारी होई। बर्फबारी करी एह पहाड़ी इलाके होर बी खूबसूरत लब्बा'रदे न जिसलै के बरखा करी इनें इलाकें च कमी आई ऐ। मौसम विभाग नै संवेदनशील थाहें पर रौह्ले आह्ले लोकें गी सलाह दिती ऐ जे ओह भारी बरखा दरान सावधानी बरतन।

<><><><><><><>

Women's Cricket

महिला क्रिकेट च भारत नै कल दुबई च टी-20 एशिया कप दे ग्रुप-ए दे मैच च पाकिस्तान गी हराई दिता।

पाकिस्तान पैहले बल्लेबाजी करदे होई 18 ओवर ते 1 गेंद च छडे 55 रन्ज बनाइयै आउट होई गेआ। टी-20 च एह ओहदा अजें तगर दा सब्मनें शा घट्ट स्कोर ऐ। भारत नै 8एं ओवरें ते 4 गेंदें च इस लक्ष्य गी हासल करी लैता। भारत दी तरफा स्पिनर गेंदबाज श्रीचरणी ते प्रेमा रावत नै त्रै-त्रै विकटां, जिसलै के दीप्ति शर्मा नै दौं विकटां लैतियां। कप्तान दे तौर उप्पर हरमनप्रीत कौर हुंदा एह 150मां टी-20 मैच हा। मर्दे जां महिलाएं दे क्रिकेट च एह उपलब्धि हासल करने आहली ओह पैहली कप्तान न।

<><><><><><><>

Ramban

जम्मू-कश्मीर युवा सेवाएं ते खेड्डें सरबन्धी मैहकमे दी महानिदेशक अनुराधा गुप्ता होरें कल रामबन च सम्पन्न होई दी जागतें दी सुबाई सतह दी अंतर जिला शतरंज चैंपियनशिप दे जेतुएं गी सम्मानित कीता। जम्मू प्रांतै दे बक्ख-बक्ख जिलें थमां कोई 150 खडारिं इस चैंपियनशिप च हिस्सा लैता। इस मौके पर बोलदे होई मैहकमे दिएं महानिदेशक होरें आखेआ

<><><><><><><>